

汰而相當御物忌，仍可延引歟。十六七八九四箇日御物忌也。二十日可有行幸之處，復日也。御惱之後可有憚之由陰陽道所申也。爲之如何，仰云。二十三日可宜歟。復日之條若有如此之例哉。然者何事之有哉，可尋問歟。

〔吾妻鏡 二十六〕貞應二年三月廿八日，二位家御方違入御民部大夫行盛山庄，爲御造作也。

〔吾妻鏡 二十七〕寬喜二年閏正月廿九日，將軍家四十五日御方違也。入御相州御亭，竹御所入御駿河入道家。

〔吾妻鏡 三十七〕寬元四年正月十二日壬申，大殿并將軍家，自毛利入道西阿第還御，是雖爲立春御方違。十一日者，東爲太白方之間，一昨日御出，昨日御逗留云云。

〔吾妻鏡 四十二〕建長四年五月五日戊子，於相州御方。○北條爲出羽前司行義奉行，御所造營，將軍家

御方違事有其沙汰。陰陽道六人參入，被仰尋之。當時可被儲御本所於何方哉云云。爲親申云。四十五日御連宿所無之。然者西乾方共以無憚，亦曰。四十五日以後，秋節一度可有御方違者。儲御本所於北可宜。且御下向之後，于今無御行始之儀。五月中聊有憚云云。廣資以平同之。晴賢、晴茂申云。雖四十五日以後，儲御本所於遊年方事無憚云云。文元申云。近代，一夜方違定事也。西乾共以無憚云云者。秋節可被儲御本所於北方之由評定畢，亦龜谷方角。若向見定之，可申之。由被仰下之間，行義、行方、景賴等，令引率彼六人，登窟堂後山上，即歸參。當乾方之由一同申之云云。十七日庚子，與州、相州并前典厩、前尾州以下參會評定所，將軍御方違事被經評議，以與州亭可被用御本所云云。而自當御所、相州當西方大將軍方，可有憚由。晴賢、晴茂爲親廣資、晴憲以平、晴宗等一同申之。仍被定出羽前司長村車大路亭云云。自當御所正南方也。十九日壬寅，御本所事，長村宿所聊依有其煩，亦被問陰陽道之處。晴賢以下申云。龜谷、泉谷右兵衛督教定朝臣亭，自當時御所北方也。被用御本所之條可宜云云。仍治定云云。